



Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

Naalackersuisunut apeqqutit:

- 1. Saarullinnut akitsuut qanoq annertutigissava? Avaataasiortunut aammalu sinerissami aalisartunut immikkoortillugu qanoq annertutigisumik isertitsissutigineqassappat?**
- 2. Nipisanniartunut akitsuut qanoq annertutigissava? Aammalu qanoq annertutigisumik akitsuut sinerissami aalisartunik isertitsissutigineqassava?**
- 3. Suluppakkanut akitsuut qanoq annertutigissava? Aammalu qanoq annertutigisumik akitsuut sinerissami aalisartunit isertitsissutaassava?**
- 4. Sinerissami qaleralinniarnermi akitsuut qanoq annertutigissava? Aammalu qanoq annertutigisumik akitsuut sinerissami aalisartunit isertitsissutaassava?**
- 5. Saattuarniartunut akitsuut qanoq annertutigissava? Aammalu qanoq annertutigisumik akitsuut akitsuut sinerissami aalisartunit isertitsissutaassava?**
- 6. Aalisarnermut akitsuutissat 2016-imut eqqunneqartussat pillugit kikkut aalisarnermi ingerlataqartut oqaloqatigineqarpat? Aammalu ullui ilanngullugit kattuffiillu kikkut ataatsimeeqataasut ataatsimiinnerit paaserusuppakka.**
- 7. Naalackersuisut aalisarnermi akitsuutitut eqqussiniarlutik 2016-imut pilersaarput, tamannalu aningaasanut inatsisissamut 2016-imut atuuttussatut eqqunniarlugu pilersaarput, paaserusupparalu sinerissami aalisartunut kikkunnut akitsuusiiniartoqarpat umiatsiaararsortut angallatillu tulaassuisut tassani aamma pineqarpat?**
- 8. Kiisalu 11.maj 2015 aningaasanut inatsisissaq akuerineqarmat oqaasertaani oqaatigineqarpoq aalisarnermi ingerlatsisut oqaloqatigineqalereersimasut, tassanilu kikkut oqaloqatigineqarpat?**

(Inatsisartunut Ilaasortaq Hans Enoksen, Partii Naleraq)

Tunngavilersuut:

Aningaasanut inatsit 2015-imoortoq pingajussaaneerlugu akuersissutigineqarmat

Aningaasaqarnermut naalakkersuisoqarfik aningaasaqarnermut ataatsimiititaliamut allakkamini imatut allappoq:

“Aalisarnermut pisuussutit akileraarusersorneqarneri

Aalisarnermi pisuussutinik nutaanik akitsuusersueriaatsip 2016-mi allannguuteqarfigineqarnissaa maanna pilersaarutigineqanngilaq. Aningaasaqarnermulli naalakkersuisoqarfiup aalisarnermik ingerlatsisut maanna oqaloqatigileruttorpai , tassanilu akitsuutinik iluanaarutigissamaakkat pillugit oqaloqatigiissutigineqarlutik. Suleqatigiinnerup taassuma inatsisissamut ukiakkut 2015-mi saqqummiunneqarluni aaliangiiniarnissamut toqqammaviusussaavoq iluaqutaassammallu suleqatigiittoqarluni.”

Taavalu aningaasanut inatsisissamut siunnersuummi konto. 20.11.51 Aaqqissuusseqqinnerit sunniutaat (Ingerlatsineri aningaasaliissutit) “2015-imut aningaasanut inatsisissatut siunnersuut” qupp. 235-mi allassimasut issuarpakka:

“Naalakkersuisunit kissaatigineqarpoq, aalisakkat suugaluartulluunniit tamarmik aallaavittut inuiaqatigiinnut tapertaassasut, tassa sineriammi qanittumik avataasiorluniluunniit aalisarneq pineqaraluarpalluunniit ataatsimut isumalluutinik atorluaaniarluni. Tamatuma nassataanik aalisakkat tamarmik, soorlu saarullit, suluppaakkat nipisaallu akitsuuserneqassapput.”

Aningaasanut inatsisissaq unnukkut akuerineqarmat Inatsisartut Aalisarnermut Ataatsimiititaliaat KNAPK-p siulersuisuunerilu ataatsimeeqatigiipput, tassanilu apersuineri ilisimatinneqarpugut KNAPK-miit akiitsuutit pillugit Naalakkersuisunit oqaloqatigineqarsimanngitsoq.